



# ЩихачІав кЪалавхъхъусса министр

Дагъусттаннал ва лакрал миллатрал ххаллилсса арс, Дагъусттан Республикалул виваллил иширттал министр Аьвдурашид МахІаммадовлун вай гъантрай бартларгунни ниттил увну 65 шин.

5  
лаж.



# Чирши

№16  
(2182)

28 АПРЕЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкІссар 1917 ш.  
Цунил итабакълан бивкІссар 1991ш.

## Байбивхъунни «Аьпалул вахта»

Аьралий оркестрданухун Апатриот цацІушиннардал активистътал, дуклаки оьрчІру, кадетътал ва властьрал органнал вакилтал МахІачкъалалал майданнияту Лениннул комсомолданул цІанийсса паркрачІан бияннин лавгунни. Шикку вайнал аьраличунал гъайкалдануцІ дирхъунни тІутІив. Жула тархъаншиврул цІаний жанну дулминнал аьпалун баян бунни минутІрайсса пахъ багъаву. Гъарица шинах Аьрасатнал личІиличІисса регионалий 40 азарунни ливчусса поисковиктал хІала буххай аьпалул вахталувух. Ва патриот акциялул цацІун бай Буттал кІанттул цІанийсса Хъунмасса дьавилул ишру най бивкІсса кІантурду ахттар буллалисса чІявусса поисковий клубру, цал мурадгу хъанахъисса Ватан дуручлай жанну дулминнал аьпа абад баву.

Анриана АБДУЛЛАЕВА

Республикалул премьер-министрнал ва цаймигу къулдугъчитурал Аьраличунал гъайкалдануцІ тІутІив дирхъуну махъ, тІивтІунни шадлугърал мажлис.



КІицІ лаган, гъарица шинах ва акция дувайссар Буттал кІанттул цІанийсса Хъунмасса дьавилий жанну дуллуми дакІнийн бичаву, жагилтал Ва-

тан ххирану тарбия баву, миннавун жула тарихрал ва культурал ирс ябансса гъира бутаву мурадрай.

Республикалул патриот ак-

циялул лагрулий хъунни митинг. ДР-лул ХІукуматрал Председатель Аьбдулмуслим Аьбдулмуслимов бакІчисса ХІукуматрал вакилтал гьуртту хъунни Бут-

тал кІанттул цІанийсса Хъунмасса дьавилий Ххувшаву ларсун 78 шин шаврин хас дурсса митинграй.

– Ватан ххирашиву, иш багъний му дуруччин хІадуршиву – мури жула бучІантІимунил яла къянкъамур гъану. Ванил агъамшиву хъиннура асар хъанай дур хІакъину, хасъсса аьралий операция нанисса чІумал, жула тарих баххана бан, Хъун дьавилул фашистътал тІайла бан, дунияллул сообщество цала тІутІимунийх дачин дан къаст лавІлахІисса чІумал, – кІицІ лавгунни Аьбдулмуслим Аьбдулмуслимовул цала ихтилатраву.

Хасъсса аьралий операциялул гьурттучи Зиябуттин Аьбдуллаевул кІицІ лавгунни патриот акция му, жула буттахъал виричушиврул бакъассагу, хІакъину, Украиннал аьршарай нанисса хасъсса аьралий операциялув гьуртту хъанай, хъхъичІ ххуттай бавІцусса аьралитуралгу хІурмат баву хъанахъишиву. Ванал бувсунни аьралий операциялий гьуртту хъанахъисса жула оьрчІал, билаятрал мурадру бурручлай, чувшиву ккаккан дуллай бушиву.

Митинг кьуртал хъуну мукъях цинявпапу гьурттучитурал дирхъунни тІутІив Вирттарал Аллеялийсса аьралитурал суратиртацІ.

Рамазан зурул махъра-махърсса къини «Сила матерей» ккурандалул чялишсса вакилтал лавгунни хасъсса аьралий операция нанисса кІанттайн, аьралитурал чІарав бацІансса, тайннал дакІурдивун гъавас бутансса мурадрай.

Зулайхат ТАХАКЪАЕВА

Аьрххилул сакиншинначи хъунни Дагъусттан Республикалул БакІчинал кумагчи МахІаммад ХІажимахІаммадов.

Делегациялувух бия «Сила матерей» ккурандалул каюлвучи Сефижат МахІаммадрасулова, Аьрасатнал Виричу НурмахІаммад ХІажимахІаммадовул нину Сапижат Мазаева, Чувшиврул Ордендалул кавалер Убайдуллагъ Ибрагьимовул шашар ПатІимат Пайзуллаева, Муфтиятрал чулухасса вакил Шамил Зурпуканов.

Делегация хъунабавкъунни Мелитополь шагърулул школарт-

## Ниттихъал дакІурдил бияла



тай дарсру дихълахъисса учитель-туращал.

Мичча лавгунни галатавил

хъхъичІсса аьралитурачІан.

Миннашал жапгу куну, ялтту лехлахисса цІалцІалух бувккун-

ни окопиртгавух, ххал бунни цукунсса шартІирдай бивкІулийн лажинну бавІцуну буссарив жула аьралитал.

Вайннал бусаврийн бувну, аьралитал махІаттал хъуну бия тІар, хІучІ къакуну, цу къызгъиннийн бучІан сисаврий.

– Шиха нанийни вас-цацх бакъагу бакъа дакІниву. Жу буссаксса хІаллайгума КІира-шанна цІалцІи дуркІуна. Амма жула арсру, ласру махъва-махъсса оьттул кІунтІлицца хъуннин, жандалуцІа ва ссихІирацІа хъуннин жард къакуну талай бивкІсса кІанттай жул дакІру чарттайн дуркхъунссия. Тикку жул дакІурдива хІучІ бух лавгуна, – тІий бур Сапижат ва ПатІимат.

Аьралитурал барчаллагъ увкунни СВО-лийцІалчин Аьрасат-

нал Виричу хъусса НурмахІаммад ХІажимахІаммадовул ниттихъ, Сапижат Мазаевахъ. КІицІ лавгунни ганал виричушиву хъушиву цавунма ватан ххирашиврул гъавас бутансса эбратну.

– Барчаллагъ вин, нинуй, жул чІарав бацІан бучІаврихлу, – увкунни аьралитурал.

Муния махъ Мелитополлал школалий сакин дурну дия Аьрасатнал аьралитурансса ва тІий дарсру дихълахъисса учительтурансса ДР-лул БакІчи Сергей Меликовул чулухасса ифтар.

Махъунмай нани ххулий делегация бивунни Севастопольлай Гасфорт зунттуй бивхъусса «Россия — страна героев» аллеялуцІан. Тиккурадуссар Аьрасатнал Виричу НурмахІаммад ХІажимахІаммадовул сурат ва цІа чирчусса чару.







### Барча бавуртту



Хаммадовул ихтиярду дуручай органнаву, юрисконсультная министрнал кьуллугьрайин иянинн, лайкьсса ххуллу бивтшиву.

– Оьрмулуву цикссагу захматшивуртташал хьунааккин багьунни ванан, амма Аьвдурашид МахIаммадовул, цала буржгу, хьагу бурувчуну, ми кьинирду лайкьну лархьунни. Дагьусттаннайгу, Дагьусттаннал кьатIувгу ва кIулссар хIакьсса патриот, цала махь бацIан байсса аькьилсса каялувчи, Дагьусттаннал халкьуннал лайкьсса вакил хIисаврай.

**Х**хирасса Аьвдурашид МахIаммадович, барчаллагь чIарусса шиннардий дакI марцIну бивхьусса захIматрахлу. Вилгу хIарачатрайнуур хIакьину Дагьусттаннай паракьатсса оьр-

## Сергей Меликовул барча унни ДР-лул виваллил иширттал министр Аьвдурашид МахIаммадов

– ХIакьину юбилей кIицI лаглай ур, цала оьрмул чIаруми шинну халкьуннаха кьуллугь буллай гьан дурсса, Дагьусттаннал виваллил иширттал министр Аьвдурашид МахIаммадов. На ххариссара чIарусса шиннардил лажинда-

рай ттула укун хьинсса, вихшала дишин бучIисса, чIумул ва оьрмул иширттал ххал ивгьусса дус уну тIий, – чичлай ур Сергей Меликов цалла Телеграмканалданий.

Регионалул бакIчинал кIицI лавгунни Аьвдурашид Ма-

му бусса. Цанагу, ведомстволу зузалт, вих бурувгун, агьалинал вихшала ва хIурмат лайкь бану зий бур.

ДакIнийхтуну чIа тIий ура вин цIуллушиву, хьиншивуртту, дакьаву, – увкунни Сергей Меликовул.

## Премьер-министрнал чулухасса барча аву

**Х**Iурмат бусса Аьвдурашид МахIаммадович! ДакIнийхтуну барча тIий ура вихь юбилей.

Закондалул кьаралданий авцIуну, агьалинал мурадру буручлачаву, миннал мюхчаншиву дузал даву – му укуннасса даву дакьар. Му кьучагьсса, кьанкьасса инсантурал, хIакьсса патриотьтурал дакIнил лавсьсса пишари. Виладель оьрму ина бивтун бур дакI марцIну кьуллугьрал бурж биттур баврил ва дакIнийхтуну Ватан ххирашиврул эбратну.

Барчаллагь тIий ура республикалий захIматсса тагьар дусса чIумал пацIу кьуллугь буллай бивкIсса шиннардихлу. Та ппурттуву на зузисса подразделениялул хьхьичI бивхьусса бигарду бия налогирттал ва экономикалул тахсиркаршивуртту ашкара даву, терроризмалул иширттан арцу нанисса ххуллурду кьукьаву, арцурду циклакисса хIарамзадатурашала талатаву.

Вил гьурттушиндарайну, Аьвдурашид МахIаммадович, жушара вай иширттаву ххуйсса ккаккиартту дан бювхьунни.

ХIакьинусса кьинигу вил каялувшиндаралу ДР-лул Виваллил иширттал министрстволу цала кьуллугьрал буржру бартбигьавриву ххуйсса ккаккиартту чIалачИ дуллай бур.

МукIрура, вил пишакаршиврул даража, чIарусса шиннардийсса опыт уттиния тихунмайгу паччахIлугьрал агьамсса бигарду бартбигьавриву бучИ льякьинссар тIий.

ДакIнийхтуну чIа тIий ура вин цIуллушиву, оьрмул ххуллий ва кьуллугьрал иширттаву тIайлабацIу.

**ХIурматрашала ДР-лул ХIукуматрал председателъ Аь.М. Аьбдулмуслимов**

**ХIадур бувссар А. Аьбдуллаевал**

## ЩихачIав кьалавхьхьусса министр

Дагьусттаннал ва лакрал миллатрал ххаллилсса арс, Дагьусттан Республикалул виваллил иширттал министр Аьвдурашид МахIаммадовулун вай гьантрай бартларгунни ниттил увну 65 шин.

Аьвдурашид МахIаммадов кIицI бувсса кьуллугьрай авцIуния шинай Дагьусттаннай сакин хьунни мунининн жува цинивнал, ца зумату кунна, чIа тIий бивкIсса паракьатшиву, шаллу хьунни вари чинсса нигь дакьа, ццах бакьа ялапар хьанансса шартIру.

Ванал, махь бакьа, чIалачИ бунни оьрусрай учайсса «один в поле не воин» тIисса калима кув чIумал «шялмахьсану» льякьин бюхьайсса душивугу. Му мукуну бикIайссар, агарда ишру бартбигьагьима ххиша-

ласса пагьму-гьунар буну льяхан увсса ухьурча. МахIаммадул арс Аьвдурашидул льяличIисса гьунарданийн вих бакьасса инсанталгу хIакьину Дагьусттаннай (Дагьусттаннал кьатIувгу), хьинну чансса бакьа, бакьасса ххай буру.

Цува Лакку кIанттуя яувцун чIарусса шиннардий яхьанай ивкIун унугу, ва ур цала буттал билаятрал хIакьсса патриотгу, Кьукуннал жяматрал дахIалай чинсса арсгу.

Ца ихтилат багьсса кIанттай Аьвдурашидул увкуна, ацIра-

хьул шинну Дянивмур Азиянавугу дурну, цалчин Лаккуйин увкIун, цала буттал шяраваллил дазуйн ивсса чIумал, кIа усса кIанттай аьршарайнгу агьну, аьтIун ивкIессияв куну. Му гьарцаннаша дан шайсса аьтIаву дакьар, му Заннал ххуллийсса аьтIавур.

**ХIурмат лавайсса Аьвдурашид!**

**Ина дуняллийн увксса кьинигу барча дуллай, чIа тIий буру вин чIарусса цIуллусса шинну, цIу-цIусса тIайлабацIуртту, ххари-хьиншивуртту! Виладель чумартсса ва чувшиву ххисса дакIнин лавхьхьусса кьисмат чан кьабаннав вин тачIавагу!**

**«Илчилул» коллективрал цIания Руслан БАШАЕВ**

## Ккуллал райондалия УвчIунни Ккуллал райондалул бакIчи

Апрельданул 24-ний Ккуллал райондалий хьунни администрациялул бакIчи увчIачIисса батIаву. Конкурс хьунни чIурду аьлттуну булаврийну. Депутатьтурал, цалийн бивкIун, чIурду буллуни хIакьину вара даврий зузисса Шамил Рамазановлухлу. Ва увчIунни кIилчинмур срокрайн – ххюра шинайсса.



Шамил Рамазанов



Райондалул бакIчинал бивчIавурттайнсса конкурс баян бивну бур мартрал 28-нийива. Заявкартту дуллуну дур мукьа кандидатнал. Конкурсерал лагрулий хIисавравун лавсун бур гьарцагу кандидатнал бияла. Инаугурациялий депутатьтурал лавайсса кьимат бивцунни Шамил Рамазановул ххюра шинал мутталай бивхьусса захIматран,

дурсса давурттан, миннувах хьхьичIунну ккаккунни райондалул социал-экономикалулмур бутIа хьхьичIунмай шаву.

БувчIавурттал ахирданий Шамил Рамазановул барчаллагь увкунни бавтIцириннахь, чIарав бацIаврихлу ва уттигу цал цайна дурсса вихшалдрахлу.

**ХIадур бувссар Аминат АХИМАДОВАЛ**

**ХIурмат ххисса Шамил Рустамович!** «Илчилул» шалагу коллективрал чулухатугу барча буллай буру вил кьуллугь, барачатну бугьаннав. Ина цIана ура оьрмулулугу, иширтталгу аргьираву. ТIайлабацIу баннав! Ина буллалимуницIун ва бан дакIниймуницIун кабакьиннав Занналгу!

«Илчилул» редакция

Лакрал райондалия

## Субботникгу, аьраличу хьунаакъавугу — ца къини

Шанна шинал хьхичи, ко-вид саванну «БивкIу бакъа полк» бан къабучIину бивкIсса чIумал, жу, цаппара бавтIун, му аллеялул лахъишиврий дирхьуну кIиттуршунная дирхьусса дьявиль гьуртту хьуминнал сура-тругу, жунмасса «БивкIу бакъа полк» бувссия микку. Шиккува учин, дукIу, апрель зуруй, аллеялул дайдихьулий шалагу Аьрасатнавуху, дуньяллийху ца ларгсса жула Виричу Нурмахамад Хажирахмамадовлун ца увкусса мурхьгу бувгьуссия.

2021 шинал кIай бувгьусса мурхьиртава тамансса мурхьру махьунмай буккан багьуна. Ми буккавил сававгу дия ххарисса — ГьунчIукъатIрал шяравун нанисса ххуллу хIукуматрал програм-малый бия ккаккан бувну, гьартагу бувну, асфальтгу бавкьуну, бакьин бан.

Утти, ххуллу бавугу къуртал хьуну, цила кIанайн багьайху, кIай бувксса мурхьру цунилгу буган багьлай бия. Му бакъассагу, бувгьусса мурхьиртава цаппара къавкьссагу бия. Мунийн бувну, вай масъалартту шаллу буван-шиврул, баян бувну дуссия шяраву суботник дуван апрельданул 15-нийн. Тамансса халкъ бавтIуна ва къини суботникрайн. Бия шагьрурда бивкIссагу, бия шяраву ва яхъанахьиссагу. Ттурша инсан ия учин хьунсар чана-чанну. Шиккува барчаллагь учин ччай ура школалул директор Кьушиев Маликлухь, дуклаки оьрчIрудушу ва давривух гьуртту хьуну тIий. Хьиннува хьунмасса барчаллагь тIий ура Ибрагимов Кьурбанаблихь ва Дандамаев Ширванинахь. Вай кIинналагу, хьхичи гьантрайва бивкIун шяравун, аьркинмур шаллу дурну дия: бугансса мурхьру, щин дущинсса шлангру, мурхьирдал лагма дугьансса муххал кьери, ми цIакь дансса арматура, лухIи аьрши ласунсса кIану ва цайми мюрш-кьюршгу.



Мукьра шинал хьхичи, 2019 шинал апрель зуруй, трассалия-тту ГьунчIукъатIрал шяравун нанисса ххуллул кIивагу чулий буссия бувгьуну 272 мурхь. Ми цивпагу буссия хас бувну Хьун дьявиль гьуртту хьусса гьарцагу шяравачунан ца-ца мурхь хIисаврай. Вай мурхьру бугьаврил сиптачинугу хьуна ГьунчIукъатIрал ккур-ран, хаснува ккурандалул бакIчи ХIусайнов ХIажибутта. Бувгьусса мурхьирдашун дирэссия цIагу — «Сийлул ххуллу» («Аллея Славы»). Ва аллея тIивтIуссия шадлугьрай, чIявусса халкъгу бавтIун. Мурхьругу хьхичи байбихьуну буссия.

Вайннан цанмагу хьинну ххуйну кIулли мурхьирдал хIалгу, ми цукун буган аьркинсаривугу.

Цинявпагу суботникрайн бувкIми бия зий хьунмасса гьирарашал, цаннашал ца бавкьуну. Кув бия хьунтIри дуклай, кув лухIи аьрши ххилай, кув щиналсса буллай. Цягу инсан даву дакъа акъая. Сайки 90 мурхь бугьарду ва къини, лагма чапардугу дурну, гьарца мурхьирачIан щин рутIинсса шлангругу диян дурну.

Даву къуртал хьун хьунма хIал къаливчIсса чIумал баян бувна Украин аьршарай нанисса спецоперациялуву гьуртту хьанахьисса жула шяравачу Кьадиров Рашид, ца-кIива гьантлийсса отпус-калий итаавкьуну, шавайн най, Хьун ххуллийсса Гаражрайн иявай ур куну. Га цIана цинявпагу бавчуру Гаражрайн Рашид хьуна-акьин. БакIрайра хIадур дурсса

гармун-ччергьилугу дия усттар-сса руцултрал — ХIажиев Тажуттиннул ва Дандамаев Закари-жанал каруннахь. Рашид машиналува уккайху, цаппараннаша макь дугьан кьархьуна. Му дия макь хIаласса ххаришиву. Ттуна му ппурттуву дакIнийн дагьуна ттулла оьрчIнийсса чIунну. Га чIумал, цу-унугу шяравату армиялийн къуллугь бан тIайла уккайини, шалла шар дуккай-ссия га тIайла уккан. Мукун ва къинигу бучIия учин, шалла шар дурккун дия куну. Ххуйсса ссухIватту хьунни ххуллийва, балайрдугу хьунни. Щил булдури-в къакIулли, Рашидлул ниттихь Залинахь ххуйсса тIутIал кацIгу хьунни. Цува Рашидгу ия аххана хьуну чIалай, оьрус мазрай учай «возмужать» хьуну куну.

ДакIний личIансса сура-тругу риршуну, кув шаппа-шаппайн,



кувгу суботникрайн, дирчIсса чан-къансса даву къуртал дан, бавчуру. Аьрая увкIсса Рашид-лунгу чан-къансса даву дан диривунни суботникрай, ца-кIира арматура риршун. Гьирарай зийгу ия.

Ва куццуй ххариссагу, мюн-пат буссагу хьунни ххуллун-къини ГьунчIукъатIрал шяраву. Хьирив къини ахттакьуннай шяраваллил клубраву хьунни Рашидлул хьунабакъаву. Клуб бия бувцIуну халкъуннал. Цал хьунмасса экрандалий ккак-кан дурна Рашид хIаласса сура-тру, видеортту. Ххуйсса махьру

лавхьуна шяраву хIурмат бус-са хьуначу Дандамаев Сократ-лул, шяраваллил администратор Штанчаев МухIадлул ва цаппара цайминналгу. Бувуна ихтилат пала Рашидлулгу, дуллауна жаваб-ру буллусса суаллахьхьун. Бу-санна шиккува Рашидлул дурс-са къучагьшиврухлу буллуши-ву Георгиевский крест ва Жу-ковлул медальгу дулун ккаккан дурну душиву. ЦIуллу аннав, Ра-шид! Ина вания тинайгу гьарца лавгсса аьрххилия дакI ххарину, сагь-саламатну нитти-бутталгу, жяматралгу ялун ияваннав! Хьхичи вагу увкуссия, уттигу тикрал банна, ва нанисса спец-операциягу бюхъайссаксса ччяни жунма аьркинсса куццуй къур-тал хьуну, цинявгу тикку гьурт-ту хьанахьими дакIругу ххари-ну, лажиннугу кIялану цала-цала шаппайн зана хьуннав куну!

Суботникрайн кIура баллай, учин ччай ура ГьунчIукъатIрал шяраву вания традиция хьуну дур куну. Цинявгу суботникрай гьурттушин дурминнан хьун-масса барчаллагь! Умуд бур, му-къахунмайгу вава куццуй, бав-кьуну, хIалану, кувннал чIарав кув бавцIуну, даву дуван жямат буккавансар тIисса. Укун ххуй-ххуйсса давуртту гьарза хьуннав. Гьарцагу лакрал шяраву уздан-шивугу, щоллишивугу ххишала хьуннав!

**Зиябуттин ХIАЖИМИРЗАЕВ,  
Дагьусттаннал лайкъ хьусса  
строитель**

### П. РАМАЗАНОВА

Мероприятие дачин дурну ия машгьурсса тележурналист, продюсер, нашидру учайсса Султан Трамов. Аьдатрайн бувну, меро-приятие дайди хьуна муба-раксса Кьурандалул аятирттая. ХIапизтурал республикалул кон-курсрай ххув хьусса Шяпи Има-наблиев ия аятру ккалайгу.

МахIачкъалал мэрнал

Дин, иман, ислам

## Жагьилтурансса ифтар

МахIачкъалалив, Ися Идавсил (аь.с.) цIанийсса РувхIанийсса Мцентрданий апрель зурул 19-нийн хьусса жагьилтурансса ифтарданий гьуртту хьунни ацIазарунниха ливчусса жагьилтал. Ва даву дурну дия шагьрулул администрациялул, Спортрал, туризмалул ва жагьилтурал иширтталсса буллалисса управлениялул Муфтиятрашал уртакъну.



цалчинма хьиривчу Мавли-дин Маликовлул, спортрал ми-нистрал хьиривчу ХIайдарбаг ХIайдарбаговлул, МахIачкъала Шагьрулул депутатътурал маж-лисрал председатель Марис Или-ясовлул, Халкъуннал мажлисрал депутат Султан Ибрагимовлул, бавтIцири барча буллай, кIицI лавгуна жагьилтурал гуж, къуват, исламрал ххуллу-ххуттагьу хIура къавхьуну, кувннал кув бугьав-риву бушиву. МаслихIатрайсса ихтилатру бувна исламрал эл-мурдал доктор МухIаммад Ур-минскийл, МахIачкъала шагьру-лул Имамтурал советрал хьунама МухIаммадарип Сиражуттин-лул, Муфтиятрал просвещения-лул отделданул каялувчи ХIусайн ХIажиевлул. Вайннал барчаллагь

увкуна ифтар лавайсса даража-лий тIайла дуккансса хIарачат бувцириннахь.

ХьхичIунсса гьурттушинна дурну дия исламрал вузирдал сту-дентътурал. МИК-рал ва ДГИ-лул студентътурал дагьусттаннал эт-ностильданийсса фотозона хIадур дурну дия, шакиллу риршун ччи-нал риршуншиврул. Ссихьри дуван лахьхьин буллалисса мастер-класс ккаккан бувна вайннала. Султан Трамовлул, Руслан ХIасановлул, Аслуттин Юсуповлул, Рамазан Мажиловлул ва Абакар Кьурба-надамовлул шаллу бувна наши-дру. Спonsorтурая дия бахшиш-ругу: ЧIиви хIажлийнсса путевка, айфонну. Ифтарданул сиптачитал барчаллагьрай бур волонтертурайн ва чIарав бавцIуцириннайн.



## Цуссалакрал райондалия Рамазан зурул ссайгъатру

Цуссалакрал райондалий хьунни «Корзиночки Рамадана Участникам СВО» цанилусса райондалул Хъаннил союзрал сипталейсса акция. Ванил лагрулий хасъсса абралий операциялуву гьуртту хъанахьминнан гъан бунни 200 кьурши гумани-тар кумаграл.



Акциялуву гьуртту хьунни райондалул кьулшивуртту ду-лай идарартту, дуклаки оьрч'ал нину-ппу, райондалул агъали. Хъаннил шавхьунни абра-литурал лич'и-лич'исса жура-лук бакъухъ. Ссайгъатру х'адур буну бия абралитурал шар-даллил кьанкь ришунсса куц-цуй. Инсантал лавсун бук'лай бия иникъали, ппиринж, чай, качар, чассаг ва цаймигу нах'у-нац'у. Цуссалакрал районда-лук Хъаннил союзрал акция-лувух гьуртту хьунни Мариян Илиясовал цанийсса «Дараччи» их'сандалул фондрал вакилтал-гу. Цала чулуха вайннал х'адур буну бия ссайгъатиртталлусса 50-нния ливчусса ч'апри. Къай дат'ин, цац'у дишин кумаг бун-ни волонтертурал, юнармиялул ва РДДМ суккушиннардал ва-килтурал. Ва давриву чялишсса гьурттушинна дунни мукунна

цила каялувшиндаралусса шко-лалул волонтертурал кьукьлу-шал Цуссалакрал 1-мур шко-лалул завуч Светлана Агасие-валгу.

Дак'инийн бутан, ванил арс цалчинсса гъантрая шийнай гьуртту хъанай уссар хасъсса аб-ралий операциялуву.

Райондалул Хъаннил сове-трал председателънал хьирив-чу Светлана Кудавал барчал-лагъ увкунни акциялувух гьуртту хьусса райондалул агъалинахъ, Мариян Илиясовал цанийсса «Дараччи» их'сандалул фон-драхъ, мукунна гуманитар ку-маг биян бан транспортрал шал-лушинна дурсса Цуссалакрал райондалул ОМВД-лул хъунама Ах'мад Шайховлухъ.

– Ва мубараксса Рамазан зу-руй зу бувмур Аллагънач'агу буч'и лякъинт'иссар, – увкун-ни ванил.

## «Къиримнал тарихру» акция

Цуссалакрал райондалияс-са 500 дуклаки оьрч' гьурт-ту хьунни «Къиримнал исто-рияру» т'исса Шалагу Аьра-сатнал акциялуву. Ва хьунни «Культура для школьников» т'исса Аьрасатнал Культуралул ва Кьулшивуртту дулаврил ми-нистерстварттал цац'усса проек-трал лагрулий. Акциялуву гьурт-ту хъанахьисса оьрч'ал ккаккан бунни цала гьунарду шанма но-минациялуву: «Къиримнахасса



назму», «Бач'ижазиралул тама-ша бан буч'исса к'анттурдайнсса цала аьрххилия бусаву» ва «Къи-римнал пейзажрал сурат».

## Экзаменнайнсса х'адуршин

Кьулшивурттал даража ду-лалисса давурттал лагрулий Цуссалакрал райондалий Гъа-мияциял школалий хьунни оь-рус мазрал ва литературалул учительтурал мастер-классру. Семинарданул агъаммур тема дия дуклаки оьрч'ру ОГЭ-дайн ва ЕГЭ-дайн х'адур баву. Цал-чинсса мастер-класс хьунни

9-мур классраву. Ва ккаккан бунни Гъамияциял школалул оьрус мазрал ва литературалул учительница Наида Кьурбано-вал. К'илчинмур мастер-класс ккаккан бунни Анджелла Ися-евал. Ахирданий учительту-рал, ва кьинисса мероприя-тиялул х'асиллугу дурну, цала-цала опыт к'ибавч'унни.

Х'адур дурссар  
Анриана АБДУЛЛАЕВАЛ

Мариян Илиясовал цанийсса «Дараччи» фондрал Украиннай хасъ-сса абралий иширттаву талатиминнан т'айла дурккунни дуки-х'ач'ия, даруртту, аьркинмур. Ва фондрал чирилунсса ирглийсса да-вур. Укунсса давуртту «Дараччилул» сиях'рай чансса дакъассар. Фон-драл хьунмур, Дагъусттаннал культуралул министерствалул Жяматийс-са советрал ва Мах'ачкьалалал Жяматийсса палаталул член Гульшан Хасавал т'ийкун, фондрал даврил ца къярттану хъанахьиссар рах'му-ц'имилул, их'сандалул ка-кумаг.

Чирилунсса даву

## Аьралитурал кумаг бунни «Дараччилул»



## Вил канил сахаватлувшиву аьралитуралч'ангу дирссар

Жула инсантал ка-кумаг бан х'адурсса бушиву цимилгу исват хьунни Украиннал аьршарай нанисса хасъсса операциялу-ву гьуртту хъанахьисса аьралитурал буллалисса лич'и-лич'исса их'сандалул акциярттайну.

Мах'аттал хьунсса зат бакъар, цила дугъришиву ва чумартшиву ва ххуллухъгу ккаккан даву Каспийск шагърулий ялапар хъанахъ-исса уздансса лакку хъамитайпа Бадуржигъан Рамазановал.



Бадуржигъан Рамазанова

Имара САИДОВА

Ч'ийннал шяравасса Х'а-мидлул ва Сах'ивлул душ Бадур-жигъан ч'явучин к'улссар цила харжирац'ух дуллаи бивк'исса лич'и-лич'исса ххаллилсса ак-циярттал сиптачину.

Рамазан зурул байран гъан хъанахьисса гъантрай Бадуржи-гъаннул оьвкунни: «Т'тула кул-патрал чулуха ч'иви-хьунсса ссайгъат жула аьралитурал гъан бан дак'инийн багъуннича, кумаг бара тайннач'ан т'айла буккан», – т'ий.

Пат'имат РАМАЗАНОВА

– Х'акъину, жула жагъил-тал жула ц'аний талатисса ппурттуву, жуца паракъатну тийнмайну бац'ан хъанай ба-къая. Буттал к'анттул ц'анийсса Хьунмасса дьявилул ппурттуву-гу зах'иматрал фронтрайминная хьунмасса кумаг бивк'иссар, жу-нгу тай жула жагъилтурал ч'арав жувагу бушиву ккаккан банс-са иш дузал бан чай бия. «Да-раччилул» душаврал сахаватну ка к'идарх'унни, к'ива-шанма гъантлул мутталый мадарасса арцу дарт'унни. Гъай-гъай, жу-ла хьунмур, гъанумур мурадвагу, аьралий ишругу кьуртал хьуну, жула оьрч'ру ххувшавришал ц'уллуну шаппа-шаппай зана шавур. Вава мурадрайру, «Гъар-зат фронтран, гъарзат ххувшав-рин!» т'исса лозунграц'ун бав-къуну, шаймур буллалиссагу», – увкунни Гульшан Хасавал.

Бусанну «Дараччилул» гъа-шину Рувх'анийсса центрда-ний лакрал ифтар дувангу ку-маг бушиву, мюхтажсса кул-патирттан, мушакъатминнан, кьини дуркминнан арцуинусса, дуки-х'ач'иялийнуса кумагругу бувайшиву.

лийн куну оьрч'ру ххари бан ният дурну бувсса зах'имат зия гъанссар т'ий, ва хьювсул бук-лай бивк'ун бур. Му ишираву хьирив бивзун, кумаг барду Ба-дуржигъаннун аьралитуралч'ан посылкартту ч'умуй т'айла дук-кан.

Махъунмай оьвкунни, дун-ялийчири зукьлурдугу буллаи: «Зу на мурадрайн биян бунна, бигъалаган бунна, дьявигу кьур-тал хьуну, жула оьрч'ру зана хьусса ч'ун дуч'аннав», – т'ий.

– СВО наниссаксса х'аллай, жува аьралитурал ч'арав бац'и-лай бивк'ан аьркинссару. Цан-чирчан, х'акъинусса кьини жу-шара миннан дан бюхъайсса хьиншиву кумаг бан х'адурну бушиврувур дусса, – т'ий бур Ба-дуржигъан.

Укун, сахаватлувсса ниттихъ-ал дуллалисса дугърисса т'уллал жула жагъилтуравун гъавас бут-лай бур аьралий бигарду бит-тур бан ва патриотътал бушиву ккаккан бан.







## «Илчилул» календарь Ва нюжмардий бувссар

\*\*\*

Апрель зурул 28-нний 1926 шинал увссар публицист, архитектор, жяматийсса ишккакку **Жаруллагь Керимов**.

\*\*\*

Апрель зурул 28-нний 1982 шинал увссар МахIачкъала шагърулул Кировский райондалул администрациялул бакIчи **СалихI Сагидов**.

\*\*\*

Апрель зурул 29-нний 1928 шинал увссар филологиялул элмурдал доктор, профессор **Халил Халилов**.

\*\*\*

Апрель зурул 30-нний 1947 шинал увссар математикалул элмурдал доктор, профессор **Хасан Айгунов**.

## Юбилейран хасну

# Мурхьгу бугъунни, арсгу хъуна унни, къаттагу бунни



Адам Аьлиевич кулпатрал дянив

## Бадрижамал АЬЛИЕВА

Чувнал бугъан аьркинссар мурхь, хъуна уван аьркинссар арс, буван аьркинссар къатта тIисса, дуняллийн адаминану ляхъунавхьур, яхI буну, захIмат буллай къуццу тIун аьркиншиву цал ххисалану тастикъ буллалисса махъру къачанну баяй жунма. Вай махъру ххуйну бавкъуну чIалай бур Шахъуйннал шяравасса Аьлиев Адам Аьлиллул арснацун. Вай гъантрай ванал кIицI ларгунни 75 шинал юбилей.

Бусравсса хъуначу, цала шяравугу, райондалийгу, республикалийгу чIявучин кIулсса Аьлиев Адамлул цал ххисалану биттур бувунни кIицI лавгсса цалва инсаншиврул ва чувшиврул бурж. Вайннуцун бувунни шяравун ламугу, ххуллугу.

Адам барча уван, ванацIансса цалва хIурмат ккаккан бу-

ван ва къини пацIун бавтIми, ца зумату кунма, буслай бия ванал уттинин оьрмулугу дурсса хъин-хъинсса давурттая. Юбилейрай ихтилатру буллалими кIицI лаглай бия Автоххуллурдал техникумраву цимигу шиная бувсса захIматрайну, личIи-личIисса журардал пшакартал хIадур бавриву ванал бивхъусса хъунмасса захIмат. Оьрмулул иялчу, бусравсса хъуначу Адам Аьлиевич цIанагу, шяраваллил Жяматийсса советрал бакIчину, даврил кIулшивугу, шяравалу ххиршивугу ишла дуллай, жагьилминнашал хъачIрай хъачI дирхъуну, шаллу буллай ур шарнийн багъайсса личIи-личIисса масъалартту.

Юбилейгу барча дуллай, чIа тIий буру Адам Аьлиевичлул цIуллусса лахъисса оьрмулул шинну, оьрмулиясса ххаришиву, оьрчIаясса неъмат.

Ванащал бувсса чIиви-хъунсса ихтилат булунну кказитрал хъиривсса номердаясса цанний.

## Барча бавуртту

Барча уллай буру жула лакрангу, дагъусттанлувтурангу ххуйну кIулсса, ГъунчIукъатIрал шяраватусса **ХIажибуттал арс ХIусайнов ХIажимахIаммад** Аьрасатнал Федерациялул Президент В.В. Путиннул указрайну, «Действительный государственный советник Российской Федерации 2 класса» тIисса чин дулаврийн бувну. Ва чин архIал дацIлацIиссар аь-



ралуннал генерал-лейтенантнал ягу вице-адмиралнал чиндалушал. Ваксса лахъисса чин жула шяравачунал дикIу, ччима дагъусттанлувнал дикIу хъунмасса пахруну хъанахъиссар. Щуллу аннав ина, ХIажимахIаммад! Гъарцагу дуллалисса давриву кабакъиннав! Мунияр лахъисса чингу ларсун ккакканнав ина!

**ГъунчIукъатIрал  
жяматрал цIания  
Зиябуттин ХIАЖИМИРЗАЕВ**

## Юбилейран хасну

# Вил гъарцагу гъантта жунсса ххаришивур

Апрель зурул 27-нний оьрмулул 90 шин бартлагIиссар ДР-лул медициналул лайкь хъусса зузала, цIуллу-сагъшиву дуроччаврил отличник, захIматрал ветеран, Гъуйннал шяраватусса Апаннинал арс АьвдулхIамидов АьвдулхIамидлун.

АьвдулхIамид чIярусса шиннардий зий ивкIссар Республикалул стоматологиялул поликлиникалий лабораториялул каялувчину. Цува захIмат буллай ивкIсса идаралул коллективрал дянив ванал къадиртссар хIурмат ххисса цIа.

Цала оьрмулул дус Гъидаятлушал архIал ванал хъуни бувсар ва чивун буккан бувссар ряхва ххаллисса оьрчI.

Жул ххирасса буттай! Ина мундангу ивкIссара жул талихI бусса, бавкъусса, лашу-шаллусса оьрмурдал сававчину. Ина жуву тарбия дурссар ххуй-ххуйми хасиятру, ина мундангу ивкIссара жул ас-намусрал, мяърипатрал ориентирну – аькьилссагу, дакI хъинссагу, гъарзат бувчIайссагу уну тIий.


Жу дакIнийхтуну барча дул-

лай буру вил оьрмулул ххаллисса юбилей! ЧIа тIий буру цIакъсса цIуллушиву, цIу-цIусса ххари-хъиншивуртту! Вил гъарцагу гъантта жул хъунмасса ххаришивур!

**Виха даингу дуаьлийсса  
вил оьрчIру, оьрчIал оьрчIру  
ва щалагу агълу-авлад**



**АьвдулхIамид  
АьвдулхIамидов**



Даврил уртакътурал дянив

## РувхIанийсса дуккаврил идарарттал конкурс

ОьрчIан ва жагьилтуран патриот тарбия дулавриха зузисса центрданул (АНО «Дагестанский центр поддержки гражданского и патриотического воспитания детей и молодежи») сипталайну рувхIанийсса кIулшивуртту дулаврил учреждениярттаву дуклакиминнан терроризмаллийн къарщисса законну ци даражаллийн кIулну дуссарив ххал буллалисса республикалул конкурс баян бунни.

## П. РАМАЗАНОВА

Ва конкурсрал кIира ятIап дикIантIий дур: цалчинмур –

2-13-мур майрай, рувхIанийсса кIулшивуртту дулаврил учреждениярттай. Ва ятIапрай цалчинми, кIилчинми ва шамилчинми

кIанттурду бувгъусса студенттурал цIарду рищунтIиссар. КIилчинмур ятIап – финалли, гъарца учреждениялий ххув хъусса, цалчинми кIанттурду бувгъусса студенттал финалданий багIинтIиссар май зурул 15-нний Дагъусттаннал гуманитар институтравун. Полуфиналданий ва финалданий ххув хъуминнан дулунтIиссар арцуинусса бахшишу.

## Баян

«Илчилий» бишлашисса барча бавурттал текстру буссар укунмасса барча баву – 200 къ. суратрашалсса барча баву – 500 къ.

Увну ур ХИажибутта цIан-нихсса ГьунчIукьатIрал шяраву.

Буттал шяраву школагу кьуртал бувну, 1961 шинал ва дуклан увххун ур Москваулал Гидро-мелиоратив институтравун. Дуклайгу ивкIун ур хьхичIунну, кьуртал бувну бур институт 1967 шинал лавайсса кьиматирттай. Дуклакисса кIанттурдай группалул комсоргнугу, старостанугу ва итайсса ивкIун ур. Студенттурал кьукьлуву Кьзахаьсттаннал целиналул иширттавух гьурттушинна даврихлу лайкь хьуну ур «За освоение целинных земель» тIисса медальданун.

Институт кьуртал бувну махь ва тIайла увккун ур Дагьусттаннал «Каспрыба» тIисса балугьрал хозяйствалул управлениялийн. Зий ивкIун ур Машинномелиоративный станциялий мастерну. Даврих творчествовалул зумуну уругайсса, цалла кIулшивуртту устарну ишла дуллалисса ва чIирисса чIумул мутгалий гьаз хьуну ур «Дагрыб-пром» объединениялул генеральный директорнал хьиривчуну буллалисса захIматрахлу ванал хIалал дурну дур СССР-данул «Минрыбхозрал» чулухасса «Отличник социалистического со-

1990 шинал ва СССР -данул ХIукуматрачIасса Шяраваллил хозяйствалул академиялуву дуклан тIайла увккун ур. Стажировкалий ивкIун ур Италиянаву.

ревнования Министерства рыбного хозяйства СССР» тIисса лишан.

1982 шинал ХИажибутта ивгун ур Дагьусттаннал «Дагрыб-пром» объединениялул генеральный директорну. Шикку ванаща бювхьуну бур мийжаннугу цала бюхьу ва гьунар ккаккан буван. ЦIусса технологиягу ишла дурну, бювхьуну бур Дагьусттаннай цалчин бярва чавахьру лувгьи буллалисса шартIру шаллу дуван.

1990 шинал ва СССР-данул ХIукуматрачIасса Шяраваллил хозяйствалул академиялуву дуклан тIайла увккун ур. Стажировкалий ивкIун ур Италиянаву.

1996 шинал ва зана хьуну ур цалла дакIнил ларьесса отрасли зун. Ва ивтессар Балугьрал портрал каялувчину. Оьрмулухсса цала зумуну ур гаврийну ХИажибуттал хIалал бувсар дагьусттанлувтурал чулухасса ва хIурмат ва бусравшиву. ПаччахIлугьрал чулуха лайкь хьуссар наградарттан ва цIардан. Ва хьанахьиссар «АьФ-лул балугьрал хозяйствалул хIурмат лавайсса зузала». Ванан дуллуссар «АьФ-лул балугьрал хозяйствалул лайкь хьусса зузала» тIисса цIа.

Пенсиялийн укканнин, Портрал каялувчину усса чIумал, ХИажибуттал чялишсса гьурттушиву дуррсар цала шяраваллийн багьайсса масьалартту шаллу буллалисса иширттавух. Хаснува билатрал тарихраву дахханашивуртту хьусса, захIматшивуртту ялун дирсса 90-ку шиннардий. Му чIумал, шар-

Юбилейран хасну

## Хьуннасса дур ванал сий

Майрал 1-ний 80 шинал юбилей кIицI лагантIий ур Дагьусттаннал балугьрал промышленностьрал каялувчину чIарусса шиннардий зий ивкIсса гьунар бусса сакиншинначи, МахIаммадул арс ХИажибутта ХIусайнов. Вай шиннардий бивтесса ххуллу тIурча, бур хьуннасса лахьазаннуну – аькьлулулгу увчуну, оьрмулул опыту хьуну, му хьирив нанисса никирахьгу кIибачIин бюхьлахьисса.



ХИажибутта ХIусайнов



«Илчилул» редакциялий «Унчукатль» тIисса суккушиндарал вакилтал ва Дагьусттаннал ХIукуматрал хьунаманал цалчинма хьиривчу ХИажимахIаммад ХIусайнов. 2019 ш.

нил жяматрашалгу маслихIат ккаккун, сакин дуррсар «Община Унчукатль» тIисса суккушинна.

КIицI бан багьлай бухьун-ссар суккушиндарал даву ялун

лирчушиву, председателну ХИажибутта ацIайхту. Ва кьул-лугьрай ва зийгу ивкIссар 2007 шинайн иянцIа. ХИажибуттал хозяйственник хIисаврайгу, каялувчи хIисаврайгу аьлттуну

чIалачИи бувссар цалва бюхьубажар. Суккушиннагу ххутта-вун дагьну, дуллалимур ва дан-мур мяьлумну чIалачИисса, жяматрал ва дазул кьатIувсса шяравучтурал мурадру шаллу буллалисса организациялийн кIура даррсар. Мугу ХИажибуттал хIарачатрайну хьусса.

2017 шинал, ацIиняхьайсса шинну лях ларгун, жяматрал ва цIунилгу увчIуссар суккушиндарал председателну. ЦIуницIакул айивхьуссар шяраваллил инсантурал мурадру шаллу булла.

Агьамсса даву хьуссар шяраву «Аллея славы» баву. Трасалия тIайла хьуну, шяравунсса ххуллул кIивагу чулух дургьуссар мурхьирдал кьукьри – цинявпагу 272 мурхь, гьарца мурхь Хьун дьавилул ца ветераннан хас бувну. Шадлугьрал тагьарданий тIивтIуссия 2019 шинал ва аллея, СМИ-лул зузалтту, хьамалгу бавтIун.

ХИажибутта ур суккушиндарал председателну. Кумагчитура-

КIицI бан багьлай бухьунссар, шар-нил жяматрашал-гу маслихIат ккаккун, 90-ку шиннар-дий сакин дуррсса «Община Унчукатль» тIисса суккушиндарал даву ялун лирчушиву председателну ХИажибутта ацIайхту.

ХИажибуттал арс – дагьусттанлувтуран-гу хьинну бусрав хьусса ХИажимахIаммад ХIусайнов, ДР-лул вице-премьерну зий ивкIссар.

ХИажибуттаевич ккал-лину ур хьхичIунсса каялувчинан, зий ур АьФ-лул Архмур Востокрал ва Арктика хьхичIунмай баврил министрнал цалчинма хьиривчуну.

кьини, хьунадакьай Ххувшаврил байран, барча дувай машгьурсса шяравучтурал юбилейрду, бувай цайми-цаймигу иширттан хасьса мажлисру.

Утигьанну тIурча, Дагьусттаннал чIяву миллатирттал цIаний бивхьусса захIматрахлу ва лайкь унни «Народный герой Дагестана» тIисса цIанин ва юбилярнай лавчIунни мусил цIуку.

КIицI кьалавгун кьабучИ-хьунссар ХИажибуттал кулпатравусса багьу-бизугу. Ва ур эбратрансса ласгу, ппугу, гьанчугу. Цала кулпат Саидаш-шал, цаннал ца лавсун, нахIу-хIалимну яхьанай вайннал хьуну дур 50 шин. Лагма-ялттуан пахрулулну хьуну бур арс ва душ, бур оьрчIал оьрчIру. ЛичIинува кIицI ан багьлай бухьунссар ванал арс – дагьусттанлувтурангу хьинну бусрав хьусса ХИажимахIаммад ХIусайнов, ДР-лул вице-премьерну зий ивкIсса. Ва кьуллугьрай зузисса кьса хIаллай ХИажимахIаммад дагьусттанлувтуран дакIний ливчIссар тIалавшинна дусса, республикалий дакI цIуцIисса, ватадалул цIаний хьиншиву ва хьинбала буллалисса каялувчину. ХИажибуттаевич ккал-лину ур хьхичIунсса каялувчинан, зий ур АьФ-лул Архмур Востокрал ва Арктика хьхичIунмай баврил министрнал цалчинма хьиривчуну. Утигьанну, Аьрасатнал Президент Путиннул указрайн бувну, ванан дуллунни «Действительный государственный советник Российской Федерации 2 класса» тIисса чин.

ХИажибуттал душнил Марианнулул кьуртал бувну бур Медициналул академия ва Москваулал авиационный институт. Ва зий бур паччахIлугьрал кьул-лугьрай.

Жула учай, гьарцагу чувнал цала оьрмулуву дан аьркинссар шанна зат: мурхь бугьан, кьатта буван ва арс тарбия ан куну. ХИажибуттал тIурча, цайвацца бурж ххину-ххисшаланугу шаллу бувну бур – бувгьуну бур шаллу-сса аллея мурхьирдал, дурну дур шяраву ххаллилсса кьатри, арсгу гьарцанналгу цала хьурдай чин-сса куцуй тарбия увну ур.

Юбилейгу барча дулла, чIа тIий буру ХИажибуттан, уттинин куна, чантI увкуну зун, занан бюхьлахьисса оьрмулул шинну!

Зиябуттин ХИАЖИМИРЗАЕВ





Адабият  
лаҗин

## Лакрал халкьуннал шаммардава

\*\*\*

ДахIалай дакъарив  
Вил бакIрай лачак,  
КIизул симандалул  
Лагма кайсса.

ДахIалай бакъарив  
Вил чурххай гьухъа,  
Оьрму ахир хьуннин  
ЛавчIсса вил чурххайн.

ДахIалай бакъарив  
Вил ччаннай махIсив,  
Цила жан вияту  
Къурван дувайсса.

ДахIалай бакъарив  
Къатлул чIанкъатта,  
Ина, ялтту занай,  
Ссуссин бувайсса.

ДахIалай бакъарив  
Зул къатрал чIиртту,  
Дяркьу-гъилишиву  
Вия арх дайсса.

\*\*\*

ХъункIултIултIул кацIри тIий,  
Хъаралух бувгъуссия,  
Шаххуллул тикан бивкIун,  
Чурх шавари бувунни.

Банавшалул арди тIий,  
АчIа ччаннах лавгъуссия,  
НякI микIирал ар диркIун,  
Ччанну лигъулул хьунни.

Ххирасса мусири тIий,  
Паммалулу бивхъусса,  
Дувссилул касак бивкIун,  
Сситтул бувкун лявкъунни.

Яруннил жавгъарди тIий,  
БакIраву кIучI бувссия,  
ЧIутIул ккулларду бивкIун,  
КкутIари хьун увунна.

\*\*\*

ОьрчIнийра хъусса ччаву  
Лажбар бувксса дикIайвав?  
Хъхьирий шошлай бунугу,  
Валлагъ, лиххан дан къашай.

Жагъилний хъу эшкьилий  
Мусил щинзир дикIайвав?  
Цуксса кIункIу тIурчагу,  
Валлагъ, дуцан дан къашай.

\*\*\*

Марххалттанил шакилий  
КIуллул ша бизарчангу,  
Ттул бава ттучIан дучIай,  
Вил гьалмагъай шари тIий.

КкурчIнийн бивхъу чIавхъулу  
ЧIаракIуннил тIитIирча,  
Уссил арагтал бучIай,  
Му щил тIивтIуссари тIий.

На бивчIанну учай тIар  
Ттул ххаллил уссурваврал,  
Ттул чурх чаннамиралли  
Чаннан турдан бутIача.

На ччуччинна учай тIар,  
ИвчIивуй, хъуна буттал,  
Ттул чурх някI микIиралли,  
КIяла навтлил къанкъ дача.

КIюрххил ларай дирзукун,  
Ттул бава ттучIан дучIай,

Юбилейран хасну

## Цанихсса

## аьлимчу-фольклорист

Апрель зурул 29-нийн лакрал маш-  
Агъурса фольклорист, публицист,  
педагог, филологиялул элмурдал док-  
тор, МахIмудлул арс Халил Халилов-  
лун хьунтIиссия 95 шин.

Цала оьрмулий ванал, хъирив лал-  
лай, батIлай, салкьи буллай, дунял-  
лийн буккан бувсар лакрал миллатрал  
литературалул ва культуралул ххазина-  
ну хъанахIисса фольклорданул биял-  
сса произведенияртту.

Жула бусравса аьлимчунал цIа цал  
уттигу хIурматрай зумух ласлай, къа-  
друлий дакIнийн углай, яларай дуллай  
буру ванал сакин бувну итабавкьуну  
бивкIсса луттиравасса лакку шаммар-  
дал къюмай.



Жу ина ччуччивуча,  
Ччаву батIул дува тIий.

Шаназарва шараци  
Щюлли хъхьирийн хIала шай.  
Гай зугу личIи бара,  
На ччаву личIи данна.

ХъачIнихату баргъ буккай,  
ХъачI-мачIайх экилагай.  
Га зугу батIияра,  
Яру нагу батIинна.

Лултту ттарцIру дакъана,  
Ялув ссавгума дацIай,  
Вих эшкьи къадуварчан,  
Ттуша бацIан къахъунхрав?

Мусил аьсаврду дакъа  
Баргъ ва барз занан бикIай,  
Вих ччаву къадуварчан,  
Ттуша занан къахъунхрав?

Хъунаавкънах бурганна,  
Урувгнах пиш учинна,  
Вияр ххаллилсса оьрчIру  
Хъирив заназ банна.

\*\*\*

Бюхттул зунтту лахъри,  
Арду майданни,  
Ва ттул дакI кIуссари,  
Цаннив къакIулли.

\*\*\*

Базаллулу читнир  
Чиву ххуйсса гьалмагъай,

Читлийсса тIутIинияр  
ТIуллу оьрчIи мадара.

\*\*\*

Вил лялу кIама ххаржан  
Ттул лялу диркIссания,  
ЦIансса хъхъу чанна хьуннин  
Ччаврил хIал кIул бавияв.

Вил бакIрай бишай къяпа  
Ттул бакIрай бивкIссания,  
Инагу кIуллух ивтун  
Гьидил лархъун гъавияв.

\*\*\*

Ялтту ттуруллушал  
Ттул дакI ларгунни,  
Чув акъа чулданий  
Вил ялув дацIан.  
Лултту шарашушал  
Яру лавгунни,  
Щин дакъа чулданий  
Вин мякьлин хIачIан.

\*\*\*

Авдал дакIнил ав ласлай,  
Авдалнува хьиннивав?  
Буруккиттарал гиву  
Хъувух дуртун хьиннивав?

Буруккин бигъассари,  
ДакI дачIинма ухъурча,  
Щалва буруккин мури –  
Дард кIулма акъашиву.

Буруккиттарал къатта  
Къара язиднал хьуннав,

95  
ШИН

Ва ттун кунмасса маша  
Душманнал душнин хьуннав.

\*\*\*

ЛухIисса аьрщарава  
Щюллисса уртту личай,  
Та дуккавивав, ххуй душ,  
Вил хханххирава ттул дакI?

Щюллисса урттувату  
ЯтIулсса тIутIи хъячай.  
Та буккавивав, ххуй душ,  
Вил бакIрава ттул яру?

\*\*\*

Ттул иттатусса мукьал  
Къа ардай бярдү бацIай,  
Эшкьи хьуманал хIачIай,  
Къавхъума чIарах лагай.

Зуматусса ссихIирал  
Сундарах бурса бакъай,  
Ччаву хьунал пикри бай,  
Къавхъума чIарах лагай.

\*\*\*

Щюлли урттух даркьу  
ГъинтIил хъхъемнир,  
Базурдайх вай ларгсса  
Ччаврин цибави?

Хъхьирийн экинани  
Шарацинир,  
Хъирив экинани  
Чурххан цибави?

\*\*\*

На нава чув унугу –  
Вил хханххираву ттул дакI,  
Зунттул мукъах унугу –  
Вил бакIраву ттул яру.

Вин хавардал циванна,  
Шярал мукъал циванна.  
Баргъ тIайланий барз бацIай,  
На тIайланий балуцIу.

Къума ратIавун багъсса  
Ттул оьрчIи чIимучIалий,  
Ялтту ттурулу даркьукун,  
Ттуин леххаву улуча.

Баргъ заваллай бавцIукун,  
Ттулгулгу вичIи дишай,  
Нагу вичIилий ура  
Виясса хаварданух.

\*\*\*

АрулцIала къараул  
Къатрал лагма унугу,  
Ина ккаккан ччитари,  
Ххуллу лавсун бучIанна.

Къаччимигу, ччимигу  
Ччимур буллай къабивтун,  
Жан къаччинал дуккича,  
Ччинал хъуву бикIанна.

Маччамигу, гъанмигу  
Гъалгъа тIийнма къабивтун,  
Гъаргъ арцул ненттабакIрай  
Мусил мугъру бишунна.

Ина ва на бакъирча,  
Барзунттай къатта банну,  
Бавахъул къабакъирча,  
Къума ратIай бикIанну.

\*\*\*

КIай бюхттул барзунттайн  
Марххала бувай,





Адабиятрал  
лажнин

## «Динамо» 100 шин

Ларгсса тталаткьини Дагъусттаннал БакIчи Сергей Меликов гуртту хьунни МахIачкьалалал «Динамо» ттуршра шин шаврицун дархIусса шадлугърай.



Кийлла кIи дуркIнугу,  
Даки дюхлул къашай.

Щиндархьиял\* ахъайн  
Баргъ кIири бувай,  
Мурхьру ччучлайнугу,  
Чурх гъили къашай.

\*\*\*

АьтIугIаву цирку,  
Къиргъуллул ярув,  
Чув сававнуния  
Бакъахъунссару?

Угъ тIутIаву цири  
Хханххираву даки,  
Эшкьилул гужния  
Къабивхъунссари?

КъаабIий цибави  
Къиргъуллул яру,  
Авлисса дакинил  
Авлигъ ган бувкун?

Къаугъ тIий цибави  
Хханххираву даки,  
АхIмакьса яруннил  
Эшкь ав дуркун.

Утти арамура  
Ци бусларчагу,  
Ци бави, ххазинай,  
Ххирасса ура.

Ци буслай арамура  
Занай бунугу,  
Зана битан къашай  
Къиргъуллул яру.

КIану чил бури тIий,  
Чучи машара\*  
Чув личIи акъассар  
Ва дунияллий.

\*Чучи машара – хъхъара мадара

\*\*\*

Ва дуниял вил хъурдай,  
Вил ххуй яру ттул хъурдай,  
Вихва ялугъи бувну,  
Ласувияв на ина.

Ина тIутIи, на тIутIи,  
Жува кIиягу тIутIи,  
Нану, тIутIий, гъаннуча,  
ТIутIал багърав тIуркIу тIун.

\*\*\*

Гъариб урттулгу дягъу,  
Уртту тIутIулгу дягъу,  
Ина Лаккуйн учIаннин,  
Качар чурххалгу дягъу.

\*\*\*

Бюрунттул дарвачрахун  
Пикрирдал гъиву руртун,  
Хъунаавкъунахъ буслай,  
Чаран лякьин шайссарив?

\*\*\*

Ва ца дури дикIул даки,  
КIигу цукун дачIиви?  
КIива бури щинал я,  
Ца вин цукун булуви?

\*\*\*

Вил иттав къабургара,  
Ттула янил къаччуччин.  
ТтиликIрахъ къабачара,  
Навах хIайп тIий къаивчIан.

П. РАМАЗАНОВА

Ва мероприятие хьунни Расул ХIамзатовул цIанийсса Миллатрал библиотекулу. Ваний гуртту хьунни республикалул идарарттал хьуними, «Динамо» вакилтал, тренертал, олимпий чемпионтал, спортрал ветерантал. Спортравусса хъхьичIуннайшивуртташал «Динамовцы» барча бунни республикалул вице-премьер Рамазан Жъяпаровлул, спортрал министр Сажид Сажидовлул ва цаймигу бусравсса къуллугъчитурал. «Динамо» президент, Аьрасатнал лайкъ хьусса тренер ХIажи ХIажиевлун Сергей Меликовлул дуллунни пачахIлугърал награда – шамилчинмур даражалул ХIурматрал орден. Наградартту дуллунни командалул капитан МутIалиб Аьлибаговлул ва вице-капитан Залимхан Юсуповлул, цаймигу тренертурал ва спортсментурал.

## КIива миллатрал къучагъсса арс



Ахъушиял райондалийсса Щуликъяннал шяраву хасъсса аьралий операциялий къучагъшиврий жан дуллусса Алик МахIаммадовлул ца кусса гъайкал тIиртIунни. Ва гъайкал дацIан дунни шяраваллил жяматрал ситгалий.

Му мажлисрай гуртту хьунни Дагъусттаннал миллатрал политикалул ва диндалул иширттал министр Энрик Муслимов. Мероприятялий мукуна гуртту хьунни Ахъушиял райондалул бакIчи МахIач Аьдулкаримов, миллатрал политикалул ва диндалул иширттал министрнал цалчинма хъиривчу Гъарун Давидов, Миннапрал управлениялул хьунама МахIаммад Даитбагов, Ахъушиял райондалул депутатIурал мажлисрал председатель Саад ХIажиаьлиев ва м.д.

Анриана АБДУЛЛАЕВА

Дагъусттаннал БакIчи Сергей Меликовлул чулуха Энрик Муслимовлул барчаллагъ баян бунни Аликлул гъан-мачаминнан, кIицI лавгунни ванал жан дуллусшиву жула биялатрал мурадру буручлай, аьраличунал бурж бартбигълай ккаккан дуршиву цала чувшиву ва Ватандалухсса ччаву.

– Дяьвилул иширттал ялун личин бай дагъусттанлултурал дянив чIявусса вирттал бушиву. Миннавасса ца Алик МахIаммадовгу ур. ХIакьину тIитIлатIисса ва гъайкалданул уттава бантIиссар жула къучагънал аьпа, – увкунни министрнал.



Алик МахIаммадов

Галинал кулпатраву. Аьралуннаву къуллугъ бан увцуну ур Саратовуллал областьрайсса Энгельс тIисса шагърулийн. Къуллугъ буллай ивкIун ур Новороссийскалал ВДВ-лул 108-мур полкраву.

Ва ивкIун ур десантно-штурмовой роталул хьунама сержант ва взводрал командирнал хъиривчу. Хасъсса аьралий операция байбишиннин къуллугъ буллай ивкIун ур Сириянаву. Аьралий къуллугъ бартбигълай ккаккан дурсса чувшиврухлу лайкъ хьуну ур Къучагъшиврул ордендалун (аьпалул хьуну махъ). Алик мукуна лайкъ хьуну ур Святой Георгийл ордендалун ва Сириянал республикалул наградарттан.

Аликлул диркIун дур 29 шин. Ванал махъ ливчIунни нину, кулпат ва КIива мюршисса оьрчI.





Лакрал халкъуннал учаларттава

Виричунал ниттил цилла иттав макъ ккаккан къади-тайссар.

Гъаттарахлукчил жалин къуннилайри чюлу шай-сса.

Душил нину – къувлул шаний, обрчлал нину – къюллул шаний.

Яла хъунмур талихI – лас-шар дакI-маз тIайласса, цаннал-ца лавсэсса бушавур.

Магъи дакъа къушлий кIукI чан къахайссар, лас акъа шарссагу муниха лархъуссар.

Ласналми – щинайх, шар-нилли – инийх.

Чиви обрчлал инттугу дяркъу чан къахайссар.

Лелуххун – инт, обрчлал – нину.

Обрчлалху нину царавунгу хяххайссар.

Ниттил накIлил бувчусса обрчI сагъссар.

Винвагу обрчI бувкунни вин нитти-буттал къадру кIулхунтIисса.

Ниттил бивцусса цяпа (заккана) обрчлал цIун къа-шайссар.



«Илчи» – маслихIатчи  
АхъницIунсса маслихIатру

Интнил къайгъурду ягу мюнпат бакъа кушурду

Интнил бияла къанкъану цила кIунттихъхун лавсунни. Укун-масса инсантуран инт – му сайрду булансса гъилисса чIун, яргну бивтсса баргъ ва лелуххантрал чIурду бухурча, аьрши ххи-раминнанни ка царавусса, цу-цумур дувансарив къакIулсса чIун хъанай дур. Амма жува, хъинмур буллалиссару тIий, аьршарай цал-цал аьркин дакъасса, къацила чIумалсса даву дуллайгу лякъару.

КЪАРКЪССА УРТТУ ЧЧУЧЧАВУ

ХъхъичIмур шиналсса къаркъ уртту ччуочирча, ялун наними уртту щунсса ва шоллисса диклансса ххан бикIай чIявуми. Амма уртту ччуочаврийну тIабиаьтран жува зарал биян буллалиссару. Къаркъ-сса урттурашал архIал ччуочачи-ссар аьршарайсса ушу-шулгъигу, заралминнушал мюнпат бумигу. Аьршарал ялтгусса къат кIири ла-гаврийну духлаглагиссар «гумино-вые» тIисса мюнпатсса затру, ва-нийну мискин хъанакъиссар аьр-шарал буллулгъивугу.

МУРХЪРУ КIЯЛА БАВУ

Мурхъру циван кIяла бул-лай буру тIисса суалданухъхун дикIантIиссар кIира жаваб: ххуйну чIаланшиврул ва ушу-шулгъилия буруччиншиврул. Бяст бакъар, мурхъру кIяла бувкун, багърал диц-куц итталун дагъанну дахха-на шай. Ушу-шулгъирив мурхъ-ру кIяла баврил бацIан байшиву

къакIулли. Мурхъру хъунмурчIин хIулукIайссар кIинтулсса марх-халттания махъуннай дизлазисса бургъилтIинтал мурхъру ччуочин къабаншиврул. Мунияту, инттуни-яр, ссутнил ахирданий ва кIинтил дайдикулий кIяла бувну хъин-ссар мурхъру. Мартрал дайдику-лийнин мурхъру кIяла буван хъи-рив къалавминнан ва мюнпат къа-хъунсса даву ссутлалнин къаритар-ча хъинхъунсар.

КIУЧИ ДУРМУР ЧЧЯНИ ЯДИШАВУ

Интгусса бургъил гъилиши-врул хъяврив бувну, анавар мабу-ккару дякъия кIуч дурсса тIутIив ва цамур ядишин. Дакъа-дакъагу диркIун, дяркъу ччимур чIумал бюхъайссар зана хъун.

«ЧАНТИ УВКУССА» ХIАВИРДУ МАШАН ЛАСАВУ

Интту бугъан тIугIайх бивчусса, чIапIив хъусса хIавирду (мурхъру) ласун анавар мабукару. Ца чулу-

ха, вайннул тасттикъ буллай бур мурхъ щаллусса, цIуллусса бушиву. Вамур чулухарив, тIугIайх бичлай байбивхъусса, амма мархха, аьршараву кIучIну бакъа, тIивтIусса хIави аьршараву татаншиврул бази лаг-ва чанни. «ЧантI увкусса» мурхъ-ру, къатIри ва тIутIив машан лас-лан бучIиссар так контейнерда-вуми. Мукунна мархри чимусуха лавхъхъусса тIутIивгу (вайннувах чIявучин ххирасса тIольпаннугу) интту чантI увкуну махъ дургъуну къахъинссар, цанчирча вай ягъаши-ну интту, я ялунчIингума тIугIайх дичинтIишивугу, вайннул мархри татантIишивугу бази чансса затри.

ЗУЙВА ЗУЛМУГУ МАБАВАННУ

Аьршарай дуванмур чIярурча тIий, кутIасса чIумул дянив дуван-сса давурттал сияхIгу дикIай лахъ-исса. КIюрххил чани шяв дагъа-рия байбивхъуну, цIан лакъиннин зуннин цал ххуйну пикри буvara кIинттул личIисса гуж къабагълай хIура бувксса, бургъийн аьдат хъун бувасса зулва чурххай зура дулла-лисса къиялул ялув. Дачалий тIитIи бавкъуну бигъалаглагияра тIисса кIанугу бакъар. Амма учин ччи-мур вари: бигъамур ва кIумур даву ла-яла дуллали, чурххахъхун би-гъалагансса мутта буллай. Даври-хух лавгун, хъамамабитари лагма-ялтту ххяхрсса уртту-тIугIай, лелух-хантрал балайрдай тамаша бувангу, урттул чяйлул исттикан хIачIангу.

ХIадур бувсар Бадрижамал АБЛИЕВАЛ



Газета «Илчи» (Вестник)

Учредитель:  
Агентство информации и печати Республики Дагестан

Хъунама редакторнахлу:  
БАШАЕВ Р.М.  
Тел.. 65-00-07

Къардашов Р. Аь. Тел. 65-03-12  
хъунама редакторнал хъиривма

Редакколлегия:  
Адамов АбдурахIман МахIаммадович  
Аьлиев ХIажо Сулайманович  
Исрапилов Артур Анварович  
КъурбанмахIаммадов Чанкура Рамазанович  
Маммаев Сулайман Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин Абусупиянович  
Шалласуев Шалласу Рамазанович  
Эльдарова Роза ХIажиевна

Отделлал редактортал:  
Абдуллаева А. П.  
Аьдилов ХI. А.  
Рамазанова П. ХI.  
Тахакъаева З. К.

Корреспондентъгал:  
АьбдурахIманова З. Т.  
Аьлиева Б. Д.  
Саидова И. А.

Корректор:  
АхIамдова А.И.

Кказитрал компьютерданул цех:  
Абакарова К. Н.  
ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайсар чивчуманал. Редакция макъалалул залуннал пикрилий рязину бакъахурчагу, макъала ричайссар, жяматрал цаламур пикри бусансар тIисса ниятрай. Кказитрайн дуркIсса макъаларттайн рецензия къачи-чайссар ва ми залуннахъхун зана къадайссар.

Кказит буккайссар ножмардий цал. Шинай итабакъайссар 52 номер.

Кказитрал индекс. П7046  
Тираж – 2000 экз.

Адрес редакции и издателя:  
367018, г. Махачкала,  
пр-т Насрутдинова, 1а  
e-mail. ilchi@rambler.ru  
http://ilchi.info  
Тел./факс. 65-00-07

Газета «Илчи» зарегистрирована Управлением Федеральной службы по надзору в сфере связи, информационно-технологий и массовых коммуникаций по РД.  
Рег. ПИ № ТУ 05-00424  
от 30.04.2019

Газета «Илчи» отпечатана в типографии ООО «Издательство «Лотос».  
367018, РД г. Махачкала,  
Пр-т Насрутдинова, 1а  
Срок подписания в печать 19.00.  
Подписано 19.00.


Цена свободная



4 651116 280051

ЧIунлахъиялун

КIяламиннул 2 ходрай мат дихълай бур.



1...Kp2 2...f3 3...C3 4...f2 5...C3 6...f3 7...f2 8...f3 9...f2 10...f3 11...f2 12...f3

Ххирасса «Илчилул» буккулт!

Баян буллай буру дайдирихъшиву 2-мур дачIи шинайнсса «Илчилул» подписка.

ЧИЧАРА ККАЗИТ

Федерал почталийх:

- дачIи шинайсса - 523 къ.
- зуруйсса - 88 къ.

Дагпечатьрайх:

- дачIи шинайсса багъа -183 къ.

- зуруйсса - 31 къ.

«Почта России» сайт-райхчин

<https://podpiska.pochta.ru/press/P7046>

- дачIи шинайсса - 523 къ.

- зуруйсса - 88 къ.



Редакциялийхчин Дагъусттаннал дазул къатIув:

- дачIи шинайсса - 1375 къ.
- зуруйсса - 230 къ.

МАХIАЧКЪАЛА

Гъавалул тагъар

ГЪУМУЧИ



gismeteo.ru